

RESOLUCIÓN da Comisión de Selección pola que se aproban e se fan públicas a relación provisional de admitidos e excluídos, as puntuacións provisionais e a adxudicación provisional correspondente ao concurso específico de méritos para prover postos de persoal docente en prazas sometidas a convenio ou a programas específicos desta consellería, convocado mediante a Orde do 15 de xuño de 2023 (DOG n.º 121, do 27 de xuño)

Mediante a Orde do 15 de xuño de 2023 convocouse concurso específico de méritos entre persoal funcionario de carreira e en prácticas dos corpos docentes que imparten ensinanzas reguladas na Lei orgánica 2/2006, do 3 de maio, de educación, para prover postos de persoal docente en prazas sometidas a convenio ou a programas específicos desta consellería (DOG n.º 121, do 27 de xuño).

A base novena desta convocatoria pública encomenda á Comisión de Selección, entre outras funcións, a comprobación dos requisitos de participación, de cobertura das prazas solicitadas, así como a valoración dos méritos das persoas concursantes así como ditar a resolución pola que se aproba e se publica, no portal da internet da Consellería, www.edu.xunta.gal, a relación provisional de persoas admitidas xunto co baremo provisional, así como daquelas que se exclúen provisionalmente, coa causa de exclusión

Logo de revisadas as solicitudes de participación, comprobado o cumprimento dos requisitos esixidos e do baremo alegado polas persoas concursantes nesta convocatoria, de acordo co disposto na base décimo terceira da dita convocatoria procede aprobar a relación provisional de persoas admitidas e excluídas, o baremo provisional e a adxudicación provisional e facelas públicas no portal da Internet da Consellería de Cultura, Educación, Formación Profesional e Universidades www.edu.xunta.gal.

En consecuencia, esta Comisión de Selección

RESOLVE

Primeiro. Aprobar e facer pública, no portal da Internet desta consellería www.edu.xunta.gal, como anexo I desta resolución a relación provisional de persoas candidatas admitidas e excluídas, coa especificación da/s causa/s de exclusión.

Segundo. Aprobar e facer pública, no portal da Internet desta consellería www.edu.xunta.gal, como anexo II desta resolución, as puntuacións provisionais, como resultado da aplicación do baremo que rexe de conformidade coa base sétima desta orde, asignadas a cada unha das persoas concursantes admitidas.

Terceiro. Adxudicar de xeito provisional e facer público na páxina web desta consellería www.edu.xunta.gal, como anexo III desta resolución, o destino das persoas concursantes seleccionadas para cubrir as prazas que se especifican, consonte ao establecido na base décimo segunda desta orde e segundo a orde de prelacións sinalada polas persoas concursantes na súa solicitude.

Ao tempo, declarar desertas as seguintes vacantes pola casuística que se explicita:

N.º POSTO	DESTINO	REQUISITO/ESPECIALIDADE	MOTIVO DA DECLARACIÓN DE DESERTO
1	ESCOLA DE ESPECIALIDADES ANTONIO ESCAÑO- FERROL (A CORUÑA)	NAVEGACIÓNS E INSTALACIÓNS MARIÑAS	NON CONSTAR PRESENTADA NINGUNHA SOLICITUDE
2	ESCOLA DE ESPECIALIDADES ANTONIO ESCAÑO- FERROL (A CORUÑA)	PROCESOS SANITARIOS	NON CONSTAR PRESENTADA NINGUNHA SOLICITUDE
4	ESCOLA DE ESPECIALIDADES ANTONIO ESCAÑO- FERROL (A CORUÑA)	EQUIPOS ELECTRÓNICOS	NON CONSTAR PRESENTADA



N.º POSTO	DESTINO	REQUISITO/ESPECIALIDADE	MOTIVO DA DECLARACIÓN DE DESERTO
			NINGUNHA SOLICITUDE
5	ESCOLA DE ESPECIALIDADES ANTONIO ESCAÑO- FERROL (A CORUÑA)	MÁQUINAS, SERVIZOS E PRODUCCIÓN	NON CONSTAR PRESENTADA NINGUNHA SOLICITUDE
8	AFEXDI: SANTIAGO DE COMPOSTELA		NON ACADAR AS PERSOAS SOLICITANTES A PUNTUACIÓN MÍNIMA REQUIRIDA PARA O PROXECTO
14	CENTRO CONCEPCIÓN ARENAL-A CORUÑA	MESTRES/AS	NON CONSTAR PRESENTADA NINGUNHA SOLICITUDE
15	CENTRO CONCEPCIÓN ARENAL-A CORUÑA	BIOLOXÍA E XEOLOXÍA/FÍSICA E QUÍMICA/MATEMÁTICAS/TECNOLOXÍA.	NON CONSTAR PRESENTADA NINGUNHA SOLICITUDE
16	CENTRO CONCEPCIÓN ARENAL-A CORUÑA	ALEMÁN, FRANCÉS, XEOGRAFÍA E HISTORIA, INGLÉS, ITALIANO, LINGUA CASTELÁ E LITERATURA, LINGUA GALEGA E LITERATURA	NON CONSTAR PRESENTADA NINGUNHA SOLICITUDE
21	ESTACIÓN NAVAL DE A GRAÑA-ESENGRA-FERROL (A CORUÑA)	MÁQUINAS, SERVIZOS E PRODUCCIÓN	NON ACADAR AS PERSOAS SOLICITANTES A PUNTUACIÓN MÍNIMA REQUIRIDA PARA O PROXECTO

Cuarto. De conformidade co parágrafo segundo da base décimo terceira desta orde, as persoas aspirantes poderán presentar as reclamacións contra a citada resolución provisional que coiden convenientes dirixidas a esta Comisión de Selección, no prazo de tres (3) días hábiles, contados a partir do seguinte ao da súa publicación no portal, por medios electrónicos.

Quinto. Así mesmo, de conformidade co parágrafo terceiro da base décimo terceira desta orde, o persoal concursante poderá presentar renuncia de participación no concurso por medios electrónicos mediante o trámite activado para este efecto na Carpeta cidadá no prazo de tres (3) días hábiles contados desde o día seguinte á publicación da dita resolución na páxina web desta consellería.

Esta renuncia afectará todas as peticións consignadas na súa solicitude de participación e producirá os efectos previstos no artigo 94 da Lei 39/2015.

As persoas que desexen renunciar á súa participación no concurso deberán realizar a renuncia aínda no suposto de que non obteñan destino na resolución provisional, xa que, de non o faceren, poderán obter destino na resolución definitiva, cos efectos previstos na base décimo cuarta da citada orde, relativa á resolución definitiva

Asinado electronicamente en Santiago de Compostela

O presidente da Comisión de Selección

José Luis Canosa Baldomir

